

Хожат қистаб турган ҳолатдаги намоз

Савол: Гоҳида ел (келишини) тўстган ҳолатда намоз ўқийман. Намозим саҳиҳми?

Жавоб: Мўмин киши ел, сийдик ва катта ҳожат (қистаб туришидан) озор чекар даражада машғул бўлса, намози ботил бўлмайди. Балки унга катта ҳожат, сийдик ва елдан бўшаниб, сўнг таҳорат олиб, қалби хотиржам, аъзолари хушуъда, қалби қўрқув-умидда, намозига иқбол қилган ҳолда намозни адо этиши вожиб бўлади. Мўмин кишига лозим бўладигани ана шудир. Дарҳақиқат Пайғамбар соллаллоҳу алайҳи ва саллам шундай дедилар: «*Таом ҳозир бўлиши ва икки чиқинди қистаб турганда намоз йўқдир*». Яъни, сийдик ва катта ҳожат. Ел ҳам ушбу маъно остига (дохил бўлади). Ел (келиши) кучайса намозхонга озор бериш ва ўй-фикрини машғул қилишда сийдик ва катта ҳожат маъносини олади. Сизга шаръян (жорий бўлгани) шуки, қаттиқ ел-газни сезганингизда, ундан халос бўлинг ва таҳорат олиб сўнгра намоз ўқинг. Ел келиши кучайиб, уни тўсиб турган ҳолатингизда намоз ўқишингиз лойиқ иш эмас. Чунки ушбу ҳолат Аллоҳ жорий қилган нарсага хилофдир. Ва бу сийдик ва катта ҳожат (қистаганда) тўсиб туришлик жинсидандир.

Дарҳақиқат уламолар (ҳожатни) тўсиб турган ҳолатдаги намознинг саҳиҳлиги борасида ихтилофга боришиди. Бир тоифа (уламолар) намоз саҳиҳ бўлади дейишиди. Яъни, комил намоз бўлмайди. Бошқа (уламолар) эса намоз ботил бўлади дейишиди. Чунки асл ҳақиқатни инкор қилиш бўлди. Пайғамбар соллаллоҳу алайҳи ва салламнинг ушбу қовллари каби: «*Таом ҳозир бўлгандага намоз йўқдир*». Зоҳири (намознинг) ҳақиқати йўқдир. Сенга ушбу ишдан ҳазир бўлишинг ва намозингни комил қилишга тиришишинг, ҳамда намоздан олдин ел, сийдик ва катта ҳожатдан бўшаниб олиш билан уни (намозни) эҳтиёт қилишинг лозим бўлади. Тоинки хушуъ ва хотиржам ҳолатда намозни адо этгин. Намозни (ушбу ҳолатда) саҳиҳ ёки саҳиҳ бўлмаслиги келишмовчилик-ихтилоф ўрнидир. (Тўғриликка) яқинроғи инишааллоҳ саҳиҳ эканидир. Агар намоз ўқувчи намозини эс-хуши жойида бўлган ҳолатда ва Аллоҳ жорий қилганидек тўқис адо этса. Бироқ у катта ҳожат ёки сийдик ёки елни тўстган ҳолатда намоз ўқиш билан нолойиқ ишни қилди. Бу эса Аллоҳ жорий қилганига хилофдир. Унинг ҳолати камида макруҳ эканлигидир. Гарчи ҳужжатдаги зоҳир (кўриниб тургани) буни ҳаром эканлиги бўлса-да. Бироқ мўмин кишига бундан халос бўлиши, ҳужжатга кўра амал қилиши ва намозини ботил қиладиган шубҳадан узоқлашиши лозим бўлади.

Шайх Абдулазиз ибн Абдуллоҳ ибн Боз

<http://binbaz.org.sa/mat/14705>

[Юклаб олиш \[mp3\]](#)

Манба: [Тавхид форуми](#)